

欽定中樞政考

定中樞政考目錄卷之五

綠營

揀選

奏請

欽派大臣毋庸開列本部堂銜

揀選定期奏派大臣

守備以上人員奏派大臣揀選

揀選旗員先儘軍政記名人員咨取

揀選迴避

旗員父母年老不准保送外任

旗員保送綠營分別年歲

旗員不願保送外任呈明停止

旗員補放沿邊營缺

沿邊旗員陞調

揀放旗員按其曾否出兵計算挑取

旗員回京停止期滿補用外缺

東三省人員子嗣揀補營員

揀發試用人員

掣補差官

揀選武舉雙單好列入優等

揀選武舉

同科武舉挨序

武舉隨營差操學習

揀選三等武舉准發隨營

滿洲蒙古漢軍武舉入巡捕營効力

衛用武進士隨營差操

派大臣開列本部堂衙

嘉慶十二年十一月內奉

旨此次揀選六安直隸州知州及總督倉場衙門筆帖
式著派祿康費淳德瑛戴衢亨阮元瑚素通阿英和
莫晉會同吏部各堂官秉公揀選帶領引見至欽派
大臣單內將吏部尙書侍郎一體開列殊屬未協此
等揀選自係派出大臣會同吏部辦理該部堂官何
必開入單內嗣後凡遇請派揀選文職官員係會同

欽定中樞政考

卷五

刑部

三

吏部者吏部堂官卽毋庸開列揀選武職官員係合
同兵部者兵部堂官卽毋庸開列著爲例欽此

揀選定期奏派大臣

嘉慶十六年十一月內奉

上諭御史慶福奏請慎定挑選日期一摺所奏甚是向來揀選各項官員先由該衙門奏請簡派大臣其揀選日期由派出之大臣自行酌定往往相距多日始行赴挑而請托夤緣卽相緣踵至嗣後揀選各項人員著承辦之衙門先行擬定日期將應行與挑人數概行傳齊屆期奏請簡派該大臣一經派出卽於本日前往秉公挑取毋許稽遲如有遷延後期著該衙

門查叅著爲合欽此

守備以上人員奏派大臣揀選

揀選守備以上人員兵部先行擬定日期臨
時將各部滿漢尙書侍郎職名開單進

呈恭候

簡派於本日會同揀選後再由兵部帶領
見

揀選旗員先儘軍政記名人員咨取

一旗員凡遇揀選綠營副將等官各缺各該旗
出兵及未出兵人員內如有曾經軍政記名
者按八旗應用次序及出兵未出兵次數兵
部將軍政記名人員先儘咨取與各項人員
一體揀選帶領引

見請

旨補放

遴選迴避

一保送副將叅將遊擊都司守備各項人員內
有與

滿大臣姻親應行迴避者如人數足敷揀選卽令
赴挑之員呈明扣除如外省指明何項人員
如健銳營火
器營之類
人數較少之時并每年輪用

將等官月缺兵部於

欽派摺內請

旨多派數員如有應行迴避之處卽令

欽定中樞政考

卷五

揀選

七

派出之大臣迴避令毋庸迴避之大臣揀選倘有徇

隱照例議處
應行迴避之人見同族姻親迴避例內

旗員父母年老不准保送外任

乾隆四十九年六月內奉

上諭昨據署鑲白旗滿洲都統克勤郡王雅郎阿等奏
稱該旗記名以知縣用之工部筆帖式明住前經吏
部以該員有無親老能否久於外任之處咨查該旗
時值明住患病該領催詢之伊兄明興據稱伊母現
年八十一歲明住不能久在外省該領催卽呈明該
叅佐領咨覆吏部去後嗣明住病愈復在雅郎阿處
呈稱伊母雖係年老身體尙屬康健可以隨任情願

外用雅郎阿等卽據呈咨行吏部並請將該叅佐領
交部察議領催責革等語所辦甚屬錯謬夫求忠臣
必於孝子之門明住之母年旣八十有餘該員自應
在京當差以便朝夕侍養况現據伊兄明興告知該
旗伊弟不能久於外任則其母之衰邁可知乃明住
猶稱可以隨任者其意不過貪圖外任多得廉俸耳
設使明住選授遠省以八十一歲之老母迎赴任所
衰年跋涉豈無意外之虞若明住僅攜帶妻孥赴任
而留其母在京不能侍奉於心又何以自安縣令爲

親民之官一經除授卽當教民以孝悌之義似此忘
親貪祿又安望其訓迪斯民耶至都統爲總轄一旗
大員平日應以忠孝訓勵旗人雅郎阿等如果明曉
大義當明住具呈時卽應將該員嚴行訓飭批駁何
得復爲據呈咨部且伊等之意尙以明住爲該旗叅
佐領等所屈抑奏請將叅佐領等察議領催責革有
是理乎朕以孝治天下近因提督李國樑之父年逾
九十曾住湖南任所一次緣該處炎熱水土潮濕仍
回直隸原籍朕體恤伊父年邁特將李國樑調任重

隸以遂其就養之私又副都統敷倫泰之父母俱已
年老皆在西安先因新疆地方緊要需人不得不令
敷倫泰前往旋以該處業經事竣卽將計調任西安
使得就近侍養朕於大小臣工欲其効力宣猷必令
其克供子職是以無不曲加體恤至於出征行陣原
不在此例者記云戰陣無勇非孝也蓋以勤勞王事
卽所以顯揚父母不得以私情而廢公義若尋常服
官凡身爲人子者豈可貪戀祿位而不一動桑榆之
念耶明住已有旨停其十年陞轉永不許保送知縣

以示懲儆嗣後各旗文武官員如有父母年至七十
五歲以上者均不准其保送外任庶旗員共知祿養
承歡克敦內行亦移孝作忠之一道也雅郎阿諾穆
親將明住咨部仍以外兄之處實屬糊塗不曉事理
昨已將伊等申飭交部議處其叅領佐領毋庸交部
察議領催仍令照舊當差此事於我滿洲風俗人品
大有關繫爲此再行明白宣諭中外知之欽此

旗員保送綠營分別年歲

乾隆四十年三月內奉

上諭據總兵瑪爾清阿奏稱東昌營都司多奇納年力
壯健騎射平常兩耳重聽辦事遲滯請將多奇納原
品休致等語朕用滿洲爲綠營之官原使爲綠營表
率並非令其多有所得也八旗各營大臣等於保送
時揀選年力精壯騎射漢仗兼優堪爲表率之員始
副朕錄用滿洲爲綠營官之本意乃大臣等竟護庇
滿洲如此殊失朕用滿洲爲綠營官之意著交八旗

各營大臣等嗣後凡保送應用綠營人員務須遴選
年壯技優堪爲表率者帶領引見其五十五歲以上
騎射技藝平常者不得保送若仍有似此者朕必將
原保之大臣嚴加治罪並將滿洲官員補用綠營之
例永行停止多奇納身係滿洲不能騎射庸懦已極
甚屬不堪僅令原品休致不足示儆多奇納著卽行
革退他省如有似此者著該管大臣卽行叅革斷不
可以原品休致奏請著將此通諭知之欽此

旗員不願保送外任呈明停止

乾隆四十一年十二月內奉

上諭據兵部議四川總督文綬奏稱川北鎮標左營署
遊擊德昇不識漢文難堪綠營之任呈請回旗當差
等語文綬辦理殊未允協綠營員弁不識漢字者甚
多卽總兵內不識漢字者亦頗有人豈遊擊轉因此
不堪勝任或另有別情該督藉詞具奏亦未可定或
該員性情行事於綠營外任實不相宜該督何妨據
實奏聞不應借不識漢文撤退但該督原疏稱該員

呈請回旗當差尤非情理該員如果不願外任何以
不於揀選時據實呈明乃業經發往川省復行呈請
豈伊見補用無期遂爾心生改悔耶朕令旗員簡用
外省既使綠營弁兵有所效法卽於旗人生計不無
稍裨若既發外省仍令回旗不特僕僕道塗諸多拮
据且起身時領借盤費銀兩回京後又須坐扣更何
以度日常差是因揀發轉至苦累豈朕體恤旗人之
意著交八旗各營嗣後保送綠營外任有不情願者
呈明該管大臣如該管大臣不准所呈強欲保送

任派出揀選大臣兵部大臣前將緣由呈明如已
至外任後概不准其具呈並嚴行叅處著通諭知之
欽此

旗員補放沿邊營缺

一直隸山西沿邊張家口協獨石口協殺虎口
協各副將昌平營新平路助馬路偏關營河
保營得勝路各叅將古北提標右營遵化營
喜峯路宣化鎮標右營大同鎮標中營右營
各遊擊居庸路鞏華城山永協左營山海路
石門路建昌路柴溝營懷安路龍門路天城
城高山城忻州營平魯路朔平營靖遠營朔
州城鎮西城保德營各都司古北提標中營

前營石塘路湯泉營山永協右營三屯協右
營宣化鎮標中營張家口協左營獨石口協
右營萬全營膳房堡新河堡洗馬林堡西陽
河堡鎮安堡龍門所蔚州東城礮山堡懷來
城岔道城左衛城大同鎮標中營左營右營
前營北樓營小石口應州城寧武營殺虎口
協右營渾源城各守備俱以旗員補用

一應用旗員缺出係副將員缺以頭等侍衛冠
軍使王府長史前鋒叅領護軍叅領驍騎叅

領烏鎗營總鳥鎗護軍叅領滿洲礮營叅領

圓明園營總

圓明園護軍叅領健銳營前鋒叅領步軍翼尉并

一品二品世職

子爵男爵

等官補用叅將遊擊員

缺以二等侍衛雲磨使前鋒侍衛副護軍叅

領副驍騎叅領烏鎗副護軍叅領

圓明園副護軍叅領健銳營副前鋒叅領佐領步

軍協尉三品世職

輕車都尉

等官補用都司員缺

以三等侍衛怡儀正信嚴章京步軍副尉步

軍校委署前鋒侍衛委署前鋒叅領委署烏
鎗護軍叅領

圖明園委署護軍叅領健銳營委署前鋒叅領五

品印務章京四品世職騎都尉等官補用守備

員缺以藍翎侍衛整儀尉親軍校前鋒校護

軍校烏鎗護軍校驍騎校五品世職雲騎尉等

官補用

一應狗處拜唐阿內係一品二品廕生世襲騎

都尉兼入拜唐阿行走者准以都司補用拜

唐阿頭目並三品廕生藍翎侍衛世襲雲騎尉候補職官及有頂帶人員挑入拜唐阿行走食俸者准以守備補用遇應用旗員缺出時兵部行文鷹狗處按照旗分咨取將行走已滿五年人才出色行走勤奮者揀選一員送部兵部與各處咨送人員一同考驗

一內務府

上三旗滿洲蒙古漢軍護軍叅領輕車都尉以遊擊揀補副護軍叅領驍騎副叅領騎都尉以

都司揀補委署護軍叅領雲騎尉以守備揀
補護軍校驍騎校行走過十年者亦以守備
揀補至世職官員臨時遇缺酌量揀選咨送
直隸山西沿邊副將缺出分左右翼輪流補
用叅將遊擊都司守備缺出按照八旗次序
輪流揀補陝西甘肅二省及四川松潘一鎮
題補副將叅將缺出以第一缺補用旗員第
二第三第四第五第六第七缺補用綠營題
補遊擊都司缺出以第一缺補用旗員第二

第三第四第五第六缺補用綠營題補守備
缺出以第一缺補用旗員第二第三第四第
五缺補用綠營以上各缺週而復始俱照此
計缺輪用於缺出時兵部行文領侍衛內大
臣鑾儀衛

同明園健銳營滿洲火器營八旗都統前鋒統領
護軍統領步軍統領等揀選三四員內務府
揀選一二員鷹狗處黏竿處各揀選一員出
具考語并將行走年分聲明咨送兵部再行

考驗揀選二三員帶領引

見恭候

欽定倘應用旗分無應送之人及所送之人不敷揀
選卽將其次應用旗分遞行咨取兵部一併
考驗揀選二三員帶領引

見如將應用旗分人員補放再有缺出仍咨取其次

旗分若將其次旗分人員補放再有缺出卽

將再接再旗分人員咨取揀選

如應用鑲黃旗人員該旗

並無應送之人或所送之員不敷揀選將其
次之正黃旗人員咨取一併揀選如將鑲黃

旗人員補放下次仍咨取正黃旗如將正黃旗人員補放下次則咨取正白旗人員餘仿此

滿洲附入蒙古旗分蒙古附入滿洲旗分人員如遇咨取旗員時准其於滿洲分內一體揀選

一八旗蒙古人員於應用旗員副將參將遊擊都司守備缺出時俱俟補放滿洲匹缺之後再遇應用旗員缺出補放蒙古人員一次係直隸山西副將員缺分左右翼輪流補用直

隸山西叅將遊擊都司守備并陝西甘肅四川松潘副將叅將遊擊都司守備各缺按照八旗次序輪流揆補均照咨取滿洲之例辦理

一八旗滿洲蒙古漢軍都統保送副將叅將遊擊都司守備人員其世職大而職任小者准其或由世職或由職任保送其世職與職任對品或世職小於職任者均由現任職官保送如叅領兼輕車都尉由叅領保送副將副叅領佐領兼騎都尉由副叅領佐領保送

蔡將遊擊
餘仿此

沿邊旗員陞調

一旗員補放綠營員缺如弓馬嫻熟諳練營伍者與綠營人員一體陞用如不能熟悉營伍不宜外任者仍令回旗在原處當差以相當旗缺補用

一直隸內地部推副將叅將缺出以第一缺補用旗員第二第三第四第五缺補用綠營其遊擊都司守備各缺以第一缺補用旗員第二第三缺補用綠營第四缺補用旗員第五

第六缺補用綠營第七缺補用旗員第八第九第十缺補用綠營如遇輪用旗員之缺兵部行文該總督於現任沿邊旗員內揀選熟悉營務之員題請調補所遺邊缺將在京旗員揀選補放

一通州協河間協各副將都司右營守備涿州營紫荆關固關營各叅將守備督標右營遊擊守備天津鎮中軍遊擊城守營都司左營守備右營遊擊守備正定鎮左右二營遊擊

守備大名鎮城守營都司右營遊擊守備左
營守備拱極營霸州營廣平營順德營各遊
擊新雄營蒲河口樂亭營馬水口沿河口白
石口廣昌營葛沽營玉田營靜海營武清營
采育營三河營豐潤營寶坻營張灣營
營龍泉關倒馬關忠順營磁州營懷柔城密
雲營牆子路曹家路開州協中軍各都司保
定營易州營插箭嶺海口營務關路舊州營
景州營大城營趙州營各守備缺出照例計

缺輪調

揀放旗員按其會否出兵計算挑取

揀選旗員遇按翼按旗輪用之缺各就本翼
旗分計算次數先儘出兵人員咨取挑用兩
次之後將未出兵人員咨取一次倘該旗並
無出兵人員將出兵人員過班一次以未出
兵人員咨取挑用遇不論翼旗通行揀選之
缺亦照此通行計算咨取至出兵人員內有
漢仗弓馬未能出衆該翼旗卽據實報部不
得因輪用之缺率行保送

一輪用旗缺輪至鑲黃正黃正白滿洲蒙古旗
分未出兵人員時將內務府護軍營驍騎營
上三旗滿洲蒙古人員各按各旗各取內務
府按旗擇其行走勤奮者出具考語聲明行
差年分保送一二員一併揀選

旗員回京停止期滿補用外缺

乾隆二十四年二月內奉

上諭據工部奏郎中上行走之丁憂道員王神保現在服闋堪勝繁缺道員之任等語從前入旗人員補用外任者本少且因外任上官既衆習套更煩是以旗員亦多不願外擢嗣因生齒日繁故將外任文武員缺酌量簡用旗員其丁憂及調任回京者仍令在Original衙門職任上行走并令酌給俸糈皆朕量才授任格外加恩之意近見在京旗員每以外任養廉所入較

優往往希冀外補卽此器量褊淺大非滿洲淳樸舊俗於風尙人心甚有關繫况京員中果其勤慎幹練遇朕降旨保舉堪勝外任時該上司自必登之薦剡俾膺民社是人才已得疏通官制亦無偏任也若以曾爲外任卽來京借補而一經年滿必當仍歸外缺爲此例一成而不可變則該員在原衙門行走或以暫時遊衍無意久居勢必苟且塞責而該上司又以其本非專任來則曲意姑容去則聊爲獎借非特於故事無裨似此因循日久八旗人材風俗亦轉致澆

朕造就教訓之殷懷乎嗣後凡入旗外任文武
官員調任及丁憂回京者俱著在原衙門職任及所
調之任行走遇缺卽行補用所有期滿補用外缺之
處著概行停止玉神保卽著照此例仍在原衙門行
走欽此

東三省人員子嗣揀補營員

嘉慶五年閏四月內奉

上諭東三省留京當差人員定例過二代以後方准補用綠營現在軍營正當剿賊之時各省奏請分發在在需人差委每致乏人揀選所有東三省人員嗣後除本身留京之員仍不准其補用營員外至各該員子嗣遇有各省奏請揀員准其一體揀選著爲令欽此

揀發試用人員

一各直省遇實在差委需員准該省督撫奏請
揀發副將叅將每項不得過二員遊擊都司
每項不得過四員守備一項本省候補候推
人員足資差遣不得率行奏請此項揀發人
員應先儘在部候補候選人員巡捕營官員
年滿引

見後之漢侍衛及現在到部尙未引

見引

見尙未起程之各省保舉一等軍政卓異豫行保舉
各項人員一同揀選如此等人數繁多不敷
揀選再行咨取八旗滿洲蒙古漢軍并內務府
上三旗滿洲蒙古漢軍應用人員一併揀
選帶領引

見恭候

欽簡發往此等揀發人員仍接到標先後挨次題補
至直隸山西陝西甘肅四川五省揀發人員
內遇有旗員卽以該處綠營應用旗員之缺

補用不得更佔綠營漢員之缺以上揀發人員輪應補用有一時人地未宜許該總督等於本省簡缺人員內酌量對調其有弓馬生疎不諳營伍者旗員飭令回旗漢員分別降級休致

舉補差官

一兵部差官二十名每屆會試之年於揀選武舉等第後將本科衛用武進士及新揀選之一二等武舉掣籤註冊武進士挨

黃榜名次補用武舉挨揀選名次補用

一等與一等較名次

二等與二等較名次

其非本科武進士及上次揀選之

武舉概不准其掣籤此項應掣差官之武進

士武舉於揀選出榜後十日內定期掣籤

揀選武舉雙單好列入懷等

嘉慶七年十月內奉

上諭御史鄭敏行奏覈實揀選武舉一摺該御史於考選武舉之法不能周知直省千總額缺營缺多而衛缺少會試下第武舉則雙單好字者俱不甚多若以雙單好者作爲一二等以營千總選用而以其餘弓馬技勇合式者俱列爲三等以衛千總選用則衛缺本少注選之人又多必致得缺無期於兵部選法殊覺有礙嗣後著兵部仍照定例請派大臣考試各武

舉內原挑在雙好單好者俱列爲一二等以營千總
注選此外有材技較優者亦准其揀選列入二等選
用營缺其次列入三等以衛千總用庶人材得及時
自効而選法亦無窒滯該部知道欽此

揀選武舉

一滿洲蒙古漢軍漢人武舉會試下第原挑在
雙好者列爲一等單好者列爲二等毋庸實
行揀選其未經挑入好字者赴部報名足有
一百人之數兵部將領侍衛內大臣大學士
入旗都統等職名開列奏請恭候

欽點會同兵部堂官考試馬步箭擇其人材弓馬較
優者列入二等其材技平常者列爲三等如
弓馬生疎者列爲四等令回旗籍學習遇下

次揀選之時再行揀選其弓馬甚劣人衰老不堪者列爲五等請

有革退

一滿洲蒙古武舉列爲一二等者分發巡捕營以營千總補用漢軍武舉列爲一二等者以營門千總註冊漢人武舉列爲一二等者以營千總分發隨營學習滿洲蒙古漢軍漢人武舉列爲三等者均註冊歸班以衛千總選用一東運滿洲蒙古漢軍并各省武舉等第於武

會武場曉後出示曉諭各該武舉赴部報名
於武進士傳臚後奏請

簡派大臣會同兵部於十日內揀選并將揀選武舉
等第名數繕摺具奏恭候

命下於三日內出榜曉示令應掣差官之衛用武進
士及一二等武舉赴部報名兵部於出榜後
十日內定期掣籤

同科武舉挨序

一各省同科武舉同具呈揀選者照直隸江南
山東山西陝西甘肅河南浙江江西湖北湖
南四川福建廣東廣西雲南貴州等各省分
先後挨序入冊

隨營差操學習

會試年揀選一二等武舉分發本省隨營額
數直隸陝甘二省每省分發三十員江南福
建山西三省每省分發二十員浙江河南四
川雲南湖廣五省每省分發十五員山東貴
州江西廣東廣西五省每省分發十員仍令
該武舉在部具呈分發該督撫提鎮酌量營
分大小就近分發給與經制馬兵名糧與外
委千總把總一體差操才技優嫗曉習營伍

者三年期滿報部註冊留於本省遇有隔府
別營千總缺出與本省應拔千總較拔至三
等武舉並未經揀選武舉隨營差操三年期
滿報部註冊均留於本省遇有隔府別營把
總缺出與本省應拔把總較拔其係由兵丁
取中武生中式武舉分發期滿止迴避本營
之缺其餘各營准其拔補至兵丁取中武生
中式武舉情願仍回原營差操者准仍留本
身名糧隨營差操自回營之日起扣滿五年

遇有千總把總員缺一體較拔此等同營武舉不在分發額數之內

一各省駐防武舉有情願隨營者准其分發各本省就近標下効力

盛京駐防武舉准其分發直隸省効力均以三年期滿一二等武舉以千總補用三等武舉以把總補用

一凡武舉分發額數自揀選出榜之日起扣至下次揀選出榜之日止計算不准逾額倘人

數已足呈請隨營者不准

一各省隨營効力武舉如有規避偷安當差懶惰弓馬生疎等項劣蹟該督撫咨奏到部者卽將隨營及武舉一併斥革若並無別項劣蹟或因患病告退等事准其革退隨營仍留武舉以觀後效

揀選三等武舉准發隨營

一三等武舉如有年力壯盛情願入伍効力者
准於會試年報明兵部考驗照各省隨營千
總額數補足分發給與馬糧一分効力三年
如果弓馬漢仗可觀遇有把總缺出准與外
委馬兵一體較拔其有貽悞懶惰者卽行報
部革退

滿洲蒙古漢軍武舉入巡捕營効力

一滿洲蒙古武舉揀選一二等者分發巡捕營効力三年期滿以千總補用三等武舉內有情願隨營者亦照漢軍三等武舉例分發巡捕營効力三年期滿以把總補用其巡捕營漢軍漢人武舉効力期滿一二等以千總拔補者俱歸入滿蒙武舉班內一體考拔

一入旗漢軍武舉如有祖父伯叔兄弟在巡捕營爲官者准其入營効力行走五年後如果

當差奮勉准給千總半俸揀選一二等者以
千總較拔三等以把總較拔

一漢軍三等武舉巡捕營効力按該營把總缺
分每八缺准分發一人學習三年期滿以把
總補用

衛用武進士隨營差操

一衛用武進士如有情願隨營者赴部具呈分發本省隨營効力給與馬糧一分差操材技優嫻曉暢營伍者三年期滿報部註冊留於本省遇有隔府別營千總缺出與隨營武舉相間輪用六年俸滿分別保送留任其已經保送者遇有應陞守備缺出一體揀選保題如隨營時有規避偷安差操懶惰弓馬生疎等項劣蹟該督撫咨到部者即將隨營及

武進士一併斥革若並無別項劣蹟或因患病告退等事准其辭退隨營仍留武進士以觀後效

欽定中樞政考目錄卷之五

綠營

保舉

總兵分別等次

副將叅將分別等次

揀發武職擇其年壯者保送

旗員不識漢字不准保送綠營

駐防人員保送綠營陞用

旗員補放京職仍准保送外任

豫行保舉陸路人員

一等卓異豫保三項相兼各官引

見時全行具奏

總兵分別等次

乾隆四十二年十月內奉

上諭向來副叅各員每屆五年該督等分別一二等密
行咨部具奏一次而提鎮因係專閫大員向未之及
今思各省提督不過十餘員皆朕所深知者始行擢
用原無俟該督之甄覈至總兵員缺爲數甚多間有
經朕特加簡用之員其餘或因副叅等於保送引見
時酌量記名陞用亦有因軍營勞績及資俸稍深從
而陞補者其人之才具優劣及在任管轄操防是否

與營伍有益皆無由深悉嗣後著各該督將所屬總兵亦照副叅之例出具切實考語分別等次每屆五年密爲陳奏一次卽以今歲爲始其無總督省分卽著兼提督之巡撫遵照辦理務宜一秉至公毋稍瞻徇欽此

副將叅將分別等次

一各直省副將叅將該督撫提鎮分別列爲一
等二等三等巡捕營副將叅將該步軍統領
分別等次俱於五年一次各出具考語密咨
兵部填寫履歷年歲籍貫繕摺進

呈將列爲一等者調取引

見如係列一等副將叅將內有已經引

見奉

旨記名以總兵副將用并叅將內有於保舉堪勝副

將案內已經引

見回任者免其送部將該員等所有奉
旨以總兵副將用及保舉副將曾經引

見并所奉

諭旨俱於摺內聲明卽將各該員保列一等註冊

揀發武職擇其年壯者保送

嘉慶十二年五月內奉

旨前因達爾扎揀發河南尙未補缺卽據該撫以衰老
不諳營伍効叅意該員必係揀發未久何至一二年
間遽形衰劣是以勅部詳查原保及原派揀選之王
大臣等據實叅奏今旣據查明該員係於嘉慶四年
揀發河南候補遊擊至今已歷九載是從前揀發時
該員尙未衰老所有原保及揀選之王大臣俱毋庸
議處嗣後揀發外省武職必須擇其年力精壯者保

送挑選卽該員雖有軍功而年齒已衰亦不得濫行
保選庶於營伍有益欽此

旗員不識漢字不准保送綠營

嘉慶十二年五月內奉

諭本日刑部奏議覆汪志伊等獲謀叛之湖北提標
左營馬兵徐榮等分別治罪一摺已另降旨飭遵至
內稱該管遊擊雅金泰未便以其不識漢字稍爲
寬容請旨革職一節外省綠營辦理公務文移往來
俱用漢字該管營員卽僅識漢字尙恐於一切營務
不能妥協辦理若并漢字不識勢必至稿案茫然動
形踴躍卽如已革遊擊雅金泰於部文內令俟有應

減馬兵缺出陸續改挑步兵之處因不識漢字未能
理會部文先後將馬兵王連等二十一名卽行降補
步兵辦理錯謬以致兵丁不服釀成事端是其明驗
嗣後旗員及東三省人員有揀補各省將營武職者
各該管上司保送時不得以不識漢字之人濫行充
數及揀選時仍著欽派大臣等臨期詢其是否能識
漢字并面加試驗其不識漢字者不准揀選方免臨
時舛誤於營務庶有裨益欽此

駐防人員保送緣營陞用

一各省駐防協領佐領防禦驍騎校等官除本
身年至五十五歲以上或騎射技藝平常及
父母年至七十五歲以上者不准保送外其
有實在出色人員該將軍副都統城守尉兼
公保舉將曾否出兵之處註明出具考語咨
送兵部帶領引

見如奉

青記名仍令回原處以直隸山西沿邊旗缺及陝甘

二省四川松潘一鎮輪用旗員之缺俟京員
補用三缺之後將駐防人員補用一缺其應
用時均按引

見先後陞用如同日引

見者先用出兵人員如同係出兵者較食俸
年分補用此內有奉

旨交軍機處記名者無論引

見先後先儘陞用其引

見未滿三年者毋庸送部題明發給劄付已滿三年

省候給咨赴部引

以後給劄赴任至保送各員每項僅止一二員兵部
卽行文各省咨取如應用時無應用之人仍
以京員揀補至廣州駐防漢軍人數無多遇
有保送人員歸入滿員項內一體陞用

一協領以副將陞用防守尉佐領以叅將遊擊
並用防禦以都司陞用驍騎校以守備陞用
其防守尉佐領引

見時將分別叅將遊擊陞用之處聲明請

旨

一防守尉佐領保舉堪勝綠營如奉

旨以遊擊用者不准復行保送叅將

旗員補放京職仍准保送外任

一外任旗員武職遇有親老及丁憂患病等項
回旗人員起復引

見時如奉

旨令在原處行走者仍准其保送外任

豫行保舉陸路人員

雲南貴州四川廣東廣西湖南陝西甘肅
建等省陸路題缺該督撫提鎮將才守兼優
勤慎奉職諳練營伍者豫先公同選擇合詞
保題其有事故者除失察大盜革職留任戴
罪圖功之員不准保題外如係降職降級住
俸降俸及承追督催未完等案俱於保題本
內將事故聲明兵部查明引

見未滿三年與例相符者俱題明註冊其未經引

見及引

見已滿三年者俱題明調取引

見陸續送部恭候

欽定照例註冊俟有本省題補缺出按應陞之缺掣籤補用其任內有緝捕盜匪催追錢糧叅限已滿一切失察公罪隨案完結並無展叅者均一體掣籤陞補仍將處分之案帶於新任俟扣滿年限照例題請開復其有展叅事故尙未限滿及私罪議處雖應降留完結尙未

聞復并親喪未滿者仍俟展示限滿再行

復及扣算服滿再行掣陞

原通時有路經事故并註冊後領

事故均盡一辦理至註冊後已滿三年未經掣補者

該總督提將再行考驗如仍堪陞用咨部掣

補如弓馬技藝不及卽行咨部將豫保之案

註銷

一豫保註冊之員陸路叅將遊擊各官有籍隸

本省者雲南與貴州互相調掣廣東與廣西

互相調掣甘肅與四川陝西互相調掣福建

與廣東互相調掣至湖南省參將遊擊內有
籍隸本省豫行保舉者掣補貴州之缺臺灣
遊擊內有籍隸本省豫行保舉者仍扣滿本
任歷俸五年掣補廣東之缺應掣遊擊都司
人員以本籍五百里外之缺掣補應掣守備
人員以隔府別營之缺掣補

一福建省內地將備缺出遇應用豫保時內地
豫保人員與臺灣豫保人員一體掣補
臺灣豫保人員仍扣滿本任歷俸五年
其臺灣將備缺出儘歸臺地

豫保人員掣補如該處無豫保人員
督於臺地人員內揀選題補

一陝甘二省屯防官員豫行保舉者俱題明
冊遇輪用豫保時一體掣籤陞用俟班滿
營之日補行送部引

見

一豫保人員遇有應掣缺出先將前次保題之
員掣補完日再將其次保題之員掣補如至
次保題之員遇有丁憂事故過缺服滿開復

後准其先行坐掣陞補

一豫保官員如於未經引

見之前遇有革職留任事故兵部將伊豫保之處扣

除

一各省豫保人員因甫經引

見題明註冊者掣陞得缺時兵部查明距前次引

見已逾三年者題明調取引

見恭候

欽定

一各項豫保人員遇有應行掣補之缺適該省
將該員題陞到部如業經掣籤得缺卽將所
題之缺行文另行題補如在未掣籤以前仍
准題陞其應掣之缺另將豫保人員掣補

一等卓異豫保三項相兼各官引

見時全行具奏

一各省陸路水師叅將內遇有軍政卓異保列

一等豫行保舉三項相兼者遊擊以下等官

有軍政卓異兼豫行保舉者引

見時俱全行開列具奏

欽定中樞政考目錄卷之五

綠營

考拔

功加千總把總陞用

拔補千總把總

各省千總把總及廕監生分別督撫提鎮考

拔

防護

東陵後龍千把等弁分別年分對調

烏魯木齊所屬三屯設立屯所千總

甘肅補用蒙古千總

千總俸滿送部

臺灣陸路千總俸滿毋庸送部

河屯營千總把總分缺拔補

千總俸滿有事故准保送

屯千總俸滿

把總有事故准拔千總

考拔外委

步補額外外委

千把總病痊起用

貴州衛千總揀選補用

貴州省鳥鎗弓箭兵丁准其相間輪拔

拔補北路換防兵丁

廕監生輪缺拔補

功加千總把總陞用

一千總功加一等以上把總功加二等以上并
無職任之功加人等該督撫提鎮考驗人材
超羣技藝嫻熟或曾經出師勇往打仗受傷
者卽行保題將把總以應陞千總之缺拔補
無職任之功加以應陞把總之缺拔補千總
給咨送部引

見可否以應陞守備之缺錄用恭候

欽定如奉

金匱要略卷三
旨以守備陞用者入於卑月功班內選用

拔補千總把總

一營千總缺出於保送功加把總及現任把總
內選拔把總缺出於保送無職任功加及外
委千總把總并兵丁內選拔該將軍督撫提
鎮將才技優長弓馬嫻熟者出具考語咨部
請劄其本營兵丁不准拔補本營千總把總
如左營兵丁拔補右營千總把總前營兵丁
拔補後營千總把總及同城標協營互相更
換者俱准其拔補若係獨營地方無隣近營

汛可以調補卽於本營左哨右哨頭司二司
內彼此調拔兵部查明部冊有名與例相符
者按月彙題請

旨給與劄付如將軍督撫提鎮等將部冊無名未會
食糧之人拔補把總者將將軍督撫提鎮等
議處如該管官詳報將軍督撫提鎮補授者
將詳報官并將軍督撫提鎮分別議處

文職
管吏

部武職例載處
分則例考勅門

一千總補缺出卽行選補報部并將原劄繳

部查銷方准給劄如未經受劄者止稱委署
千總把總至千總把總緣事斥革卽令離營
將劄付繳部查銷

一選拔把總外委於熟習弓馬弁兵考補二缺
後將精於鳥鎗者選拔一人出具考語報部
註冊其步兵內果能精習鳥鎗雖弓馬未嫻
亦准於二缺後拔補馬兵一人

一千總以下各員於已經陞任後續經該省查
出本任內疎防案件應行退回承緝者卽將

欽定中樞政考

卷五

月

五

該員退回本任承緝外拔補該員底缺之人
如尙未題准覆准以次遞退若業已題准覆
准行文該省將該員原陞之缺另行揀員陞
補所遺之缺卽將原拔底缺之人調補應迴
避本營本哨者仍於別營內揀員對調毋庸
以次遞退

各省千總把總及廕監生分別督撫提鎮考

拔

一各省千總分別歸總督提督考拔其隸撫標
之千總歸於巡撫拔補至把總外委額外外
委分別路程就近歸督撫提鎮考拔此內凡
提鎮所拔者均詳明總督咨部註冊遇該總
督查閱營伍時詳加考驗如有校拔不公者
卽將該弁斥革其原拔之提鎮議處

考勅

門

例載處
分則例

一各省七八品廕監生學習五年期滿照考拔
千把之例分別就近歸提鎮考驗

防護

東陵後龍千把等弁分別年分對調

一直隸馬蘭鎮屬防護

東陵後龍各營汛千把外委在汛八年未經陞調者即
於該鎮屬各營員弁內揀選勤能者對調
部註冊

烏魯木齊所屬三屯設立屯所千總

一甘肅烏魯木齊頭屯蘆草溝瑪納斯三處屯
所千總三員經管遣戶應徵糧石及一切戶
婚錢債鬪毆等事仍報明該管州縣考覈存
案此項缺出時先將該處候補筆帖式補用
一員次將烏魯木齊各標營及換班聽差人
員內揀選能事者調補一員相間輪用仍照
邊俸之例報滿陞用

甘肅補用蒙古千總

甘肅烏嚕木齊提標中營千總左營千總各一
缺巴里坤鎮標中營千總左營千總各一
缺瑪納斯協左營千總庫爾喀喇烏蘇營千
總各一缺遇缺出時卽於烏嚕木齊所屬滿
洲蒙古候補驍騎校之年滿筆帖式委前鋒
校領催前鋒內擇其能通蒙古話人明白者
由該處都統會同提督揀選補放如一時不
能得人該都統等行文伊犁將軍於應用之

委前鋒校領催前鋒內容取揀拔

千總俸滿送部

一各省千總以領受部劄之日起厯俸六年後
該督撫提督詳加考驗如人材弓馬可觀年
力精壯熟諳營伍堪膺保送者給咨送部兵
部復行考驗如人材弓馬不堪並無勞績者
勒令原品休致其應行引

見之員於隨摺內聲明將會經出兵者發回原任俟
本省題補缺出與發回候補人員一同揀選
題補未經出兵者發回原任歸於候推班內

按引

見年月日期挨次銓選其年力未衰弓馬尙可堪以
造就者該督撫等出具考語准其留任咨部
換給劄付庸劣衰邁者勒令休致於歲底將
保送留任勒休員數分晰彙題其保送千總
引

見時將應否發交巡捕營當差之處一併聲明請

旨恭候

欽定如交巡捕營當差者歸於雙單月差班內銓選

一六年俸滿回任候題候推及留原任各員再
歷俸三年照例考驗甄別其保送人員若過
三年後人材弓馬可觀者仍留候題候推如
係弓馬中平之員候題降爲候推候推降爲
留任如年已六十三歲精力就衰者休致如
精力尙健仍可留任者送部引

見如年雖未六十三歲而技藝生疎鬬茸不堪者俱
着勒令出缺其留任各員有弓馬練習較前
奮勉者保送引

見分別會否出兵照例錄用如候題候推人員內實在行走勒奮弓馬漢仗出衆者將候題人員改爲卽川候推人員拔置題補均出具考語咨部註冊毋庸送部引

見其候題降爲候推人員卽歸入候推班內按該員從前發回題補奉

旨日期與本班候推各員較奉

旨日期先後推用如同日

比較俸滿日期先後推用

一俸滿千總保送引

見回任候陞之後三年甄別一次如屆二次甄別已
歷六年之期仍行留任候陞者該督撫出具
考語咨部註冊陞用其留任千總至二次甄
別仍係留任者出具考語送部引

見可否准其留任之處恭候

欽定

一六年俸滿及三年甄別千總兵部於年終彙
題時按其省分額缺甄別多寡督撫提督歷

任久暫專就一年內核其去留之數並將上
兩年甄別數目另繕簡明清單隨本進

呈如該督撫提督等有全未甄別及甄別過少寬

徇沾名者俱於本內聲明請

旨交該部照例察議

文職咨吏部武職俟至遇各項
載處分則例考劾門

千總應行甄別之時該督撫提鎮秉公查辦
其應行勒休斥革之員該管總兵不行認真
辦理經提督調驗勒休斥革者將該管總兵
議處如提督不行認真考覈經總督調驗勒

休斥革者卽將該提督議處

例載處分則
例考劾門

一 無題缺守備省分年滿千總引

見奉

旨發回本省以守備題補者遇各該省部推守備缺

出部選四缺之後第五缺准其題補一員如

係本省人將隔府別營之缺題補若所出之

缺與該員人地不甚相宜及應行迴避者將

別營之缺調補如未經題補准該督撫提督

將該員出具考語造冊送部歸於分發班內

銓選其已經造冊送部銓選者仍准其題補至題缺無多省分發回本省以守備題補之年滿千總一時難以得缺亦准其造冊送部歸於分發班內銓選

一雲南貴州廣東廣西福建等五省年滿千總引

見奉

留巡捕營當差者如有親老及別情不能遠離兵部於覆奏時聲明請

旨仍將該員發回原任照例補用

俸滿發回原任候補之世襲土千總遇有苗
疆應題守備缺出停其補授將內地守備揀
選題調所遺原缺與該弁人地相宜者准其
題請補授

臺灣陸路千總俸滿毋庸送部

臺灣陸路千總六年俸滿毋庸論會否出兵該督等詳加考驗堪膺保送者先行出其考語咨部註冊遇有臺灣應題守備缺出准其題補後給咨送部引

見其俸滿保送後未經題陞續經調回內地者仍隨時補行送部分別出兵未出兵照例陞用

河屯營千總把總分缺拔補

一河屯營副將標下千總一員把總二員并分
防喀喇河屯千總龍鬚門千總僧吉圖千總
大店子把總馬圈子把總喇嘛洞把總虎什
哈把總了頭溝把總二溝把總中六溝把總
八溝營左右司把總共十五缺歸旗弁旗兵
補用其餘千總把總各缺歸河屯營民籍兵
丁及內地沿邊弁兵內選擇拔補

千總俸滿有事故准保送

一千總六年俸滿如有盜案叅處及別項降職
降俸等案未經開復該將軍督撫提鎮詳加
考驗如係平常之員勒令休致若人材弓馬
可觀者出具考語保送於文內將降罰之處
詳悉聲明兵部帶領引

見如以別缺補用將降罰之案帶於新任三年無訛
開復

屯千總俸滿

一湖南鳳凰乾州永綏古丈坪等廳保靖縣屯
千總把總外委缺出於熟悉邊情之營弁內
遞相拔補千總一項五年俸滿如果實心經
理訓練有方苗民相安地方靖謐該督等詳
加考驗出具考語送部引

見回任以苗疆守備題補其尋常供職尚無貽誤者
准其留任咨部換給劄付把總外委如果技
藝嫻熟訓練有方准其隨時考拔不得概以

五年報滿該弁等如有怠惰廢弛者卽行咨

部斥革

把總有事故准拔千總

一 把總歷俸已過三年果係騎射兼優人材出
衆任內並無疎防限緝之案止有承追降職
降俸之案未經開復該將軍督撫提鎮於拔
補文內聲明兵部查明彙題准其拔補千總
仍將降職降俸之案帶於新任

考拔外委

一將軍督撫提鎮各標協營凡額兵二百名許
設外委把總一名給與九品頂帶額兵四百
名許設外委千總一名給與八品頂帶外委
司哨同經制千總把總協管汛兵操防巡緝
其本營兵丁不得考拔本營外委該標協營
將備等官於馬步兵丁內選擇操防勤慎漢
仗弓馬可觀者詳報該將軍督撫提鎮考驗
照經制千總把總例更換調拔給與委劄於

歲底造冊報部如巡防勤慎地方靖謐遇有
經制把總缺出卽行拔補倘有怠惰偷安者
卽行斥革如遇一切疎防失察以及兵丁生
事擾民約束不嚴等案將該弁隨經制千總
把總一體題叅議處若外委千總把總內有
生事擾民等情該管官不據實揭叅者照例
議處

例載處分則
例營伍門

一將軍督撫提鎮等將營外之人濫給委牌者

照徇庇例議處

例載處分則
例考劾門

拔補額外外委

一 巡捕五營及各直省額外外委缺出該步軍統領督撫提鎮於兵丁內揀選拔補按季報部照經制外委給與頂帶仍食本身糧餉毋庸給與隨糧照舊隨營差操怠惰誤公者咨部斥革行走勤慎者遇有把總及經制外委缺出揀選拔補

千把總病痊起用

一營千把總患病告休除平常供職者不復起用外其有居官好人才尚可驅使者該將軍督撫提鎮確查委員親驗加具印結將居官漢仗如何之處於文內聲明離營調治病痊之日該將軍督撫提鎮考驗報部從其補用

貴州衛千總揀選補用

一貴州古州衛千總二缺台拱衛千總一缺清
江左右衛千總二缺八寨衛千總一缺丹江
衛千總一缺凱里衛千總一缺黃施衛千總
一缺石峴衛千總一缺以上各缺出該督撫
於通省千總把總內揀選諳曉文義熟悉苗
情辦事勤慎者無論武舉行伍出身一體拔
補調補咨報兵部附入彙題本內具題奉

旨後發給劄付該員以受部劄之日起歷俸六年該

督撫詳加考驗庸劣衰邁者勒休年力未衰
弓馬尚可者留任人材壯健弓馬嫺熟所管
屯軍技藝精熟軍民相安著有成效者出具
考語送部引

見將會經出兵者請

旨發回原任俟本省守備缺出與候補人員一體題
補未經出兵者請

旨發回原任歸於候推班內挨次銓選此項衛千總
均於歲底將保送留任勤休員數分晰彙題

如有才技超羣歷俸三年准照營千總之例
一體豫行保舉送部引

見註冊掣補

貴州省鳥鎗弓箭兵丁准其相間輪拔

一貴州省外委缺出准其於鳥鎗弓箭步兵內
相間輪拔其馬兵之缺亦照此相間輪拔

拔補北路換防兵丁

一科布多烏里雅蘇臺等處換防屯田兵丁班滿回營時該管大臣詳加察核內有實在奮勉應行拔補者山西省兵丁准保送一二名直隸省兵丁每處每次核計原派額數准於二十名內保送一名寧闕毋濫回營後卽分在本鎮學習再限一年由該鎮考驗如果弓馬可觀遇有缺出以第一缺補用屯田保送人員第二第三缺補用存營人員其由把總

保送應以千總用者亦照此辦理若材枝平常難以造就者卽將保送之處註銷

監生輪缺拔補

承廕七八品監生以分發到營學習之日爲始統限五年期滿七品者以把總拔補八品者以外委把總拔補各就原發本標營分俟存營人員拔補三缺後以第四缺挨次拔補一人廕生改武以營千總用者亦定以五年期滿俟存營人員拔補三缺後以第四缺與隨營武舉一體較拔一缺四缺一輪週而復始